

թիւն է : Ի հասանիլ գրոյս հասուցէք զ10,000 և զանցեալ  
 5 ամսեայն՝ ՚ի Յոպպէ՝ և առէք զձեռագիրն , և յայնմ հե-  
 տէ կայջիք բարեաւ և խաղաղութեամբ : Իսկ եթէ դար-  
 ձեալ ժխտէք բանից ձերոց զայլ և այլս գրելով և գործե-  
 լով , ես անպարտ եմ , դուք տալիք պատասխանի որում  
 պէտք է ( 1824 . ՚ի 15 Սեպտեմբերի ) :

Եւ ՚ի սոյն աւուրս Պօլուցի Յակոբ վարդապետ կատա-  
 րեալ զգործ նուիրակութեան՝ դարձ արար ՚ի Կոստան-  
 դինուպօլսոյ , և հասեալ ՚ի Կիպրոս եթող անդ զբեռինս ,  
 որք էին կապերտք և շալք և այլ ինչ յիշատակ Աթոռոյն ,  
 և գնացեալ ՚ի Պերութ յարեցաւ առ Լիւսդրացին Յակոբ ,  
 եւ ետ նշանս ամուսնութեան , եւ դարձ արար ՚ի Կիպրոս  
 յափշտակել զբեռինս , այլ գործակատար Աթոռոյն Սիմոն  
 աղա ոչ ետ զայնս ըստ ազդարարութեան Խորհրդակա-  
 նաց Աթոռոյն :

Եհաս Կուսակալն Դամասկոսի մեծաւ զօրութեամբ յն-  
 րուսաղէմ , կալաւ զտեսուչն Յունաց Ս . Եղիայի վանաց և  
 զոմանս ՚ի ժողովրդոցն Լատինաց , եւ մատնեաց զնոսա ՚ի  
 գանս մինչեւ ցսպառումն շնչոց նոցին , և երկաթի կապա-  
 նօք արգել ՚ի բանտի , որպէս թէ զինչս ոմանց փախստէից  
 Բեթղեհէմի Ֆէլլահից պահեալ իցեն առ իւրեանս , որոյ  
 վասն 65,000 ՚ի Յունաց եւ 40,000 դահեկան ՚ի Լատինաց  
 տուգանս էառ , ՚ի Հրէից 100,000 , թող զայլազգիս Երու-  
 սաղէմի , յոմանց 5 , եւ յոմանց 10,0000 դահեկան : Յետ  
 ամենեցուն ձեռն արկ ՚ի Հայս , և չգտեալ բնաւ տեղի ինչ  
 յանցանաց եւ զրպարտութեան , զայս միայն առաջի եղ-  
 թէ ՚ի ժամանակի յայսպիսի սղութեան եկեալ իմ այսչափ  
 բազմութեամբ զօրաց եւ ծանր ծախիւք , արարէք ինձ  
 զաւելի պատիւ և ծառայութիւն ինչ :

Հայք միջնորդ կալեալ զոմանս աղաչէին զնա ներել՝  
 յայտ առնելով զաղքատութիւնս իւրեանց , այլ նա բնաւ  
 ոչ անսայր . ապա տարեալ ցուցին զհրովարտակն , և նորա  
 ցասուցեալ ասէ՝ գիտեմ զհրաման Թագաւորին , և ընդդէմ  
 այնմ չգործեմ ինչ . ահա զկանոնաւոր Ուպուրէն ՚ի 40,000  
 դահեկանէ աւելի ոչ առնում . այլ միթէ ծանր ի՞նչ թուի  
 ձեզ առնել ծառայութիւն ինչ , և սկսաւ ահացուցիչ բա-  
 նիւք սպառնալ . միթէ ո՞չ կարէի գտանել յանցանս ինչ